

詳加考釋，推論其在軍事及政治上之關係，蓋以補史書之缺遺。惟簡文書寫，多屬草隸，且多漶漫，頗難讀識。故此七十餘簡，雖經多人審校，刪增削改至十數次之多。然未釋出者，仍不在少數。擬俟余再版時，當加以修正或補充也。現影本摹本均已付印，載之本篇，讀者自可按原本研討，而余之所釋，不過粗示其輪廓而已。

其次述及圖版。本書所附各圖，分爲三種，其一爲設計圖。例如第一篇第一章所附之羅布淖爾水道變遷之推測各圖，皆根據舊時記載，參合現代地形，設計繪圖，取便省覽。第三章所附之中西交通路線圖，其義亦同。其理論解釋，均詳於本文。但亦有本文所不及說明者，亦附註其出處，擬俟將來補述，附之後篇。其二爲實測圖，例如第二篇所附之第一次第二次考察路線圖與工作圖皆是。蓋余等第一次之赴新疆考察也，由團中之指示，凡所經行之地必有路線圖，以記里程，同時有筆記日記，以記工作。而余之旅行蒙新，第一次凡三年又六月。所工作踏查之地，遍南疆各地。所繪之路線圖及工作圖，約百餘幅，照片千餘幀，日記筆記十餘冊。今所發表者，不過十九年春季三個月之工作，而地域僅限於羅布淖爾一帶。其餘皆藏之笥中，均待整理也。其三爲器物圖版及插圖，共三十六版，爲圖三百九十三幀，插圖一百零八圖，內着色者，三十四圖。餘均爲剖面圖及復原圖。余所採集各物，本非一地，本應以地爲綱，依次排比。但各器物大小多少不一，種類亦雜，排比不易。故本篇以類爲綱，分類排列，便於形態學之研究，而排比亦易於着手。在工作概況之中，則以地爲綱，詳其土層及並存之關係。再附一器物分布總表，以地爲綱，下注類別，以便檢查。附於本文之末。至圖版與原物之比率，請參考圖版索引、與第三篇器物圖說，讀者可按圖索驥也。至於木簡圖版，因原簡黝暗，製版後更不清晰，乃根據原簡臨摹，附於照片印行，藉以增加讀者研究之興趣也。

以上皆就本書編纂之大略，及工作概要，略爲敘述，以爲本書之叙例。其詳仍請參閱本文。總之，此書編纂，適在抗戰期中，流離轉徙，生活既不安定，參考書又缺乏，而敵機之轟炸，住址之累遷，又時時足以危害余之生命，震憾其意志，然卒能完成余之大業，俾此書得與世人相見，亦嘗私自慶幸者也。